

ANTIKORUPCIJSKA  
MREŽA ORGANIZACIJA  
CIVILNOG DRUŠTVA

ACCOUNT

BRANKO  
PERIĆ



**VSTV**  
*je korumpiran,  
koruptivan i potpuno u  
kandžama politike!*

Priče o korumpiranom i političkom Visokom sudskom i tužilačkom vijeću sve su češće u bosanskohercegovačkom društvu. U čijem interesu rade VSTV i nosioci pravosudnih funkcija u BiH? Redakcija portala Interview.ba u posjedu je novog izvještaja VSTV-a koji će javnosti biti dostupan 1. maja. Među ostalim, u njemu stoji da samo 1% nosioca pravosudnih funkcija "nezadovoljavajuće obavlja funkciju." Potpuno suprotno stajalište zauzima nekadašnji predsjednik VSTV, sudija Suda BiH Branko Perić koji za interview.ba hirurški secira korupciju i nepotizam u pravosudnim redovima.

INTERVIEW.BA:

U najnovijem Izvještaju VSTS-a koji će javnosti biti dostupan početkom maja navodi se da je "Neosporno je da su u posljednjem desetljeću VSTS i bosanskohercegovačko pravosuđe ostvarili značajan napredak i mjerljiv uspjeh." Ta konstatacija je potpuno suprotna pisanju medija kao i brojnim izjavama predstavnika međunarodne zajednice i civilnog društva koji otvoreno tvrde da stanje u pravosuđu i VSTV nikad nije bilo gore. Ko je u pravu?

PERIĆ:

Ne postoji nikakav napredak, niti mjerljiv uspjeh!

VSTV je institucija u regresiji, koju javnost prepoznaje samo po skandalima. Niko se ne sjeća ozbiljne strateške i važne odluke VSTV. Sve što je urađeno, bilo je skandalozno. Analizirajte javne istupe članova VSTV pa ćete lako zaključiti kakve su profesionalne i moralne sposobnosti instrumentalizovane većine koja upravlja pravosudnim sistemom. Nikada se institucija nije na tako primitivan način javno samokompromitovala.

# INFOHOUSE / U Goraždu održan Drugi antikorupcioni forum općina i gradova u BiH

#nekorupcijinalokalnomnivou

Drugi antikorupcioni forum općina i gradova u BiH, koji je u sklopu Antikorupcione mreže u BiH – ACCOUNT, organizovala Fondacija INFOHOUSE, u saradnji sa Općinom Goražde i Udruženjem ALDI, omogućio je načelnicima i predstavnicima lokalnih zajednica u BiH da razmijene iskustva koja se tiču borbe protiv korupcije na lokalnom nivou.

Na Forumu je, među ostalim, razgovarano o ulozi i pozicijama lokalne uprave u izradi i provedbi antikorupcionih planova, a predstavljeni su i primjeri dobre prakse u borbi protiv korupcije.


Među lokalnim zajednicama koje u tome bilježe značajne rezultate je i Općina Goražde.

“Što se tiče provedbe mjera iz oblasti antikoruptivne politike mi u ovom procesu prednjačimo u odnosu na drugih dvanaest lokalnih zajednica koje su učestvovala u ovom procesu u prvom ciklusu. Mi smo početkom 2015. g. pristupili izradi Akcionog plana za borbu protiv korupcije, a poslije toga implementaciji mjera sadržanih u akcionom planu za period 2015. – 2017.godina . Sada smo u fazi kvalitetnog redizajna tog Akcionog plana” – istakao je Sanid Zirak, pomoćnik gradonačelnika Goražda.


Da se radi o izuzetno značajnoj obavezi i angažovanju lokalnih zajednica u ovom procesu ocjenio je i Admir Hadžiemrić, načelnik Općine Travnik.

“Goražde je jedan od prvih gradova koji je ušao u ovu priču i na to možete biti ponosni, a iskustva iz Goražda su za sve nas veoma značajna. Cijenim da je i ovaj plenum pokazao iskrene namjere onih lokalnih zajednica koje učestvuju u ovom procesu da izgrade snažne mehanizme prevencije korupcije, a građanima transparentno funkcionisanje lokalnih zajednica, prije svega u trošenju novčanih sredstava” – rekao je Hadžiemrić.


Kako ocjenjujete sistem interne kontrole/revizije u općini/gradu?




O slučajevima korupcije na lokalnom nivou građani se najčešće upoznaju putem (moguće je zaokružiti više odgovora)



Kako ocjenjujete antikorupcijske inicijative vaše lokalne uprave?



Koju od navedenih oblasti koja je u nadležnosti lokalne uprave smatrate potencijalnim izvorom korupcije?



Unaprijediti sisteme unutarnje i vanjske kontrole rada općinske/gradske uprave



## CRMA / Održana obuka za izradu plana integriteta u 207 institucija



ACCOUNT nastavlja uspješnu saradnju sa Timom za borbu protiv korupcije Kantona Sarajevo. Nakon analize planova integriteta kantonalnih javnih ustanova i institucija, te uočenih slabosti u ovim strateškim antikorupcionim dokumentima, napravljen je novi iskorak: organizovana je obuka o izradi planova integriteta. Od 16.-27. aprila 2018.g. održano je sedam radionica o izradi i provođenju planova integriteta. Obuku je prošlo 207 javnih službenika iz 207 javnih ustanova i institucija Kantona Sarajevo.

ACCOUNT je učesnicima edukacije pružio sva potrebna znanja i vještine za uspješno provođenje antikorupcionih aktivnosti u javnim ustanovama: predstavljen je model plana integriteta, metodologija i smjernice za izradu ovog strateškog dokumenta, na praktičnom primjeru demonstrirane sve faze izrade plana integriteta, te smjernice za njegovo efektivno provođenje i evaluaciju.



Izrada planova integriteta u javnim ustanovama i institucijama jedna je od mjera definisanih u kantonalnom Akcionom planu za borbu protiv korupcije. Aktivnost je realizovalo Udruženje "Centar za razvoj medija i analize" - CRM@, nosilac projekta ACCOUNT, u saradnji sa Timom za borbu protiv korupcije Vlade Kantona Sarajevo i Uredom za borbu protiv korupcije i upravljanje kvalitetom Kantona Sarajevo.

## CGS LIVNO / Grad Bihać uskoro pristupa izradi Akcionog plana za borbu protiv korupcije

U Bihaću je 24. aprila održana obuka članova radne grupe za izradu Akcionog plana za borbu protiv korupcije kojoj su prisustvovali svi članovi radne grupe, a predavači su bili Luka Krstanović, predsjednik OV Tomislavgrad i Asmir Orman, koordinator ispred Centra za građansku suradnju (CGS) Livno. Na obuci su razmijenjena pozitivna iskustva i razgovarano je o svim mjerama i aktivnosti iz Akcijskog plana.



## CRMA / ACCOUNT podržao usvajanje novih anti-korupcionih dokumenata

Vlada Kantona Sarajevo usvojila je novu Strategiju za borbu protiv korupcije, za period 2018.-2019. godina, te prateći Akcioni plan za provođenje Strategije. Ove strateške dokumente je definisao Tim Vlade Kantona Sarajevo za borbu protiv korupcije, uz značajno učešće i podršku ACCOUNT-a. Naime, predstavnici Udruženja CRMA@, nosioca projekta ACCOUNT, kroz učešće u radno-konsultativnim sastancima pružili su prijedloge u pogledu konkretizacije strateških ciljeva za svaki resor posebno, te preciziranje aktivnosti za oblasti koje su najviše podložne korupciji, kao što su javne nabavke, zapošljavanje u javnom sektoru, koncesije i slično. Vlada Kantona Sarajevo usvojila je novu strategije i akcioni plan za borbu protiv korupcije na 122. sjednici, koja je održana 19. aprila 2018.



Foto: Erduan Kafedžić, predsjednik Tima za borbu protiv korupcije KS i Slobodan Golubović, predstavnik CRM@-e

## CROA / Održan drugi Antikorupcioni forum mladih u Tuzli

### #nekorupcijiubrazovanju

Uz podršku Američke agencije za međunarodni razvoj (USAID/BiH) i Antikorupcijske mreže organizacija civilnog društva u BiH - ACCOUNT, Centar za razvoj omladinskog aktivizma (CROA) organizirao je drugi Antikorupcijski forum mladih u Bosni i Hercegovini na temu „Uticaj antikoruptivnog obrazovanja na promjenu percepcije mladih o korupciji”.



Forum je održan u Tuzli 20.04.2018. godine, a svrha Foruma je bila otvoriti dijalog mladih o percipiranom nivou korupcije u obrazovanju u BiH, u kojim oblastima se javlja, na koji način se manifestuje ali i kako antikorupcijsko obrazovanje utiče na promjenu percepcije mladih o korupciji.

Organizacijom ovog, kao i prethodnog Foruma, želimo doprinijeti jačanju antikorupcijskih inicijativa mladih u sektoru obrazovanja. Forum je ujedno bio prilika za upoznavanje šire javnosti s aktivnostima i rezultatima projekta “Prevenција korupcije u obrazovanju: Više znanja, više transparentnosti” koji Udruženje CROA uz podršku projekta ACCOUNT implementira u više od 40 osnovnih i srednjih škola u Bosni i Hercegovini.

Na Forumu je učestvovalo 39 mladih iz tuzlanskih srednjih škola, fakulteta i nevladinog omladinskog sektora: Hemijske škole Tuzla, Turističko- ugostiteljske škole Tuzla, Elektrotehničke škole Tuzla, Medicinskog fakulteta Tuzla, Pravnog fakulteta, Filozofskog fakulteta, Vijeća mladih Tuzla, Omladinskog resursnog centra Tuzla.

Pored mladih učesnika, Forumu su prisustvovali predstavnici vlasti, kao i partnerskih nevladinih organizacija: ispred Ministarstva obrazovanja i nauke Tuzlanskog kantona Fikret Vrtačić, te ispred Međunarodnog foruma Bosna- regionalni centar Tuzla Jasmina Jovanović.

## CROA / Održana radionica „Etika i antikorupcija”

U okviru projekta “Prevenција korupcije kroz obrazovanje: Više znanja, više transparentnosti” učenici trećeg razreda JU OŠ “Kiseljak 2” Zabrdje, Kiseljak održali su radionicu na temu “Etika i antikorupcija” gdje su naučili osnovne pojmove, kao što je mito i korupcija u okviru nastavne jedinice “Podmitljivi zeko”





## **U protekle četiri godine status zaštićenog uzbunjivača dodijeljen samo u pet slučajeva**

Korupcija je jedan od najvećih problema bh. društva. Zakon o zaštiti lica koja prijavljuju korupciju u institucijama Bosne i Hercegovine stupio je na snagu krajem 2013. godine. Od tada do danas, Agencija za prevenciju korupcije BiH primila je 20 zahtjeva za dodjelu statusa uzbunjivača, a taj status dodijeljen je u samo 5 slučajeva.

Pokazali su ovo rezultati istraživanja Antikorupcione mreže organizacija civilnog društva u BiH - ACCOUNT o "Procjeni utjecaja antikorupcijskih propisa i praćenje efekata Zakona o zaštiti lica koja prijavljuju korupciju u institucijama Bosne i Hercegovine" koje je provelo Udruženje JUSTICIA.

"Zakon je donesen s ciljem da se suzbije korupcija u institucijama BiH. S obzirom na mali broj zahtjeva i dodijeljenih statusa zaštićenih lica koja prijavljuju korupciju, ne može se govoriti o uspješnosti ovog zakonskog propisa", istakao je Ervin Turbić, direktor Udruženja JUSTICIA, predstavljajući rezultate analize.

Istraživanje je obuhvatilo 60 institucija države Bosne i Hercegovine. Među ostalim, pokazalo je da 2 institucije nemaju imenovanu osobu kao kontakt tačku za saradnju s APIK-om. Sve institucije imaju uspostavljen sistem za prijavu korupcije, kao i usvojene Pravilnike o internom prijavljivanju korupcije, tako da je formalno ispoštovana ova zakonska obaveza. Petnaest institucija nema instalirano sanduče za anonimne prijave korupcije, dok je kod onih koji imaju sanduče, u 9 institucija ono pokriveno video nadzorom, što onemogućuje anonimnu prijavu korupcije od strane uposlenika ili građana. Od ukupnog broja ispitanika, 8 institucija je u proteklom periodu zaprimilo prijave korupcije.

"Svi smo u BiH svjesni da je korupcija jedan od najvećih problema našeg društva. Ljudi ne smiju da prijave korupciju iako postoji Zakon koji ih štiti. Zato se ACCOUNT bori za izmjene i dopune ovog Zakona amandmanima koji će prijaviteljima korupcije ponuditi bolju zaštitu", istakla je Dženana Alađuz, direktorica Fondacije INFOHOUSE.

Vladica Babić iz Agencije za prevenciju korupcije BiH istakao je da je i u ovom slučaju prepreka činjenica da antikoruptivni zakoni nisu usaglašeni na entitetskim i na državnom nivou te u Brčko distriktu.

Među ostalim, u preporukama je navedeno da bi se trebao, u saradnji s APIK-om, pokušati utvrditi tačan broj podignutih optužnica za korupciju u institucijama BiH, broj odbačenih optužnica, broj sankcionisanih lica, kao i broj disciplinski sankcionisanih lica od strane same institucije.



### ***Sanduče za anonimnu prijavu korupcije pokriveno videonadzorom!***

Od ukupnog broja institucija koje su izjavile da imaju sandučić za anonimne prijave korupcije njih devet izjavilo je da je ono pokriveno video nadzorom iako treba da omogući anonimnu prijavu korupcije.

# Otvoren konkurs za ACCOUNT Novinarsku nagradu

# account

Novinarska nagrada za najbolje istraživanje o korupciji  
Konkurs je otvoren od 01. do 31. maja 2018.  
Prijavite se!



Antikorupcijska mreža poziva novinare da se prijave na konkurs za nagradu za najbolju novinarsku priču na temu korupcije. Konkurs je otvoren od 01. do 31. maja 2018. godine. Nagrade se dodjeljuju novinarima iz svih medija (novine, novinske agencije, radio, televizija, internet portali) za najbolje istraživačke priče o korupciji objavljene u protekloj godini (razdoblje od 1. maja 2017. do 30. aprila 2018. godine). Autore za nagradu ACCOUNT-a mogu predlagati medijske kuće, novinske agencije, urednici svih medija ili sami novinari/autori.

ACCOUNT će dodjeliti nagrade u tri kategorije: nagrada za najbolji pisani izvještaj o korupciji; nagrada za najbolji videoprilog o korupciji; nagrada za najbolji audioizvještaj o korupciji.

Novinarske nagrade sastoje se od priznanja i pripadajućeg novčanog iznosa:

- Dobitniku nagrade za najbolji pisani izvještaj o korupciji pripada novčani iznos od 1.000 KM
- Dobitniku nagrade za najbolji videoprilog o korupciji pripada novčani iznos od 1.000 KM
- Dobitniku nagrade za audioizvještaj o korupciji pripada novčani iznos od 1.000 KM

Prijedlozi se šalju elektronskim putem na zvaničnu adresu ACCOUNT-a: [anovinarskanagrada@gmail.com](mailto:anovinarskanagrada@gmail.com) sa naznakom "Za novinarsku nagradu". Audio i video izvještaji se šalju putem We Transfera. Ukoliko su prilozi objavljeni na You Tube kanalu medija, dovoljno je poslati link na prilog.

## Žurnal

Četvrtak,  
07. Juni 2018.

JEDINA SLOBODNA TERITORIJA



DRUŠTVO ŽIVOT INTERVIEW KOLUMNE KULTURA NOVAC SPORT SVIJET MEDIJI AFERA NEW AGE JAVNE NABAVKE

## NOVI DOSSIER MAGAZINA ŽURNAL

### [Kako je opljačkana naša industrija](#)

Magazin Žurnal baca novo svjetlo na mračno tajkunsko doba i privatizaciju koja je uništila hiljade života. U novom Dossieru "Kako je opljačkana naša industrija" novinari Žurnala otkrivaju i podsjećaju na detalje sumnjivih transakcija koje su se odvijale "od Durmitora do Triglava" i s njima povezanih osoba, iako se veliki broj njih krije iz skrbničkih računa ili su registrovani u off-shore destinacijama.

U Žurnalu pročitajte [kako su građani "poklanjali" certifikate meštarskim privatizaciono-investicionim fondovima](#), kako su [slovenski investitori oprali u BiH četiri miliona eura](#), ko je kumovao [propasti Vranice](#), a ko [Hidrogradnje](#), te kako je tekla kupovina dionica Bosnalijeka i [uspostavljanje paralelnog platnog sistema](#). U Žurnalovom Dossieru možete naći i priče o GP Bosna, GP Put, Energoinvest-armature, Unioninvest – Izgradnja...

Novinari Žurnala su otkrili i da je [iz skladišta CIK-a nestalo 35 tona glašačkih listića](#), da [Vlada KS dva puta plaća iste poslove](#), a [Federalna uprava civilne zaštite jedinicu koja i ne postoji](#).

Čitajte Žurnal!

DOSSIER



### KAKO JE OPLJAČKANA NAŠA INDUSTRIJA (3): Sjećate li se Vranice, nekada je gradila tornjeve?

Otkriveno: 24.03.2018. u 14:55h

Nakon vremenorskog odmaka nije teško u nekoliko rečenica okarakterisati privatizaciju u BiH. Tajkuni i moćnici su znali jednostavan recept: privatizu, obeštaj investicije i radna mjesta, iznesi zdrav kapital, ne ulazi, proglasi stečaj ili likvidaciju, problem otpuštenih radnika prepusti državi. U konačnici, ostaje ti vrijedne imovine za titulu uspješnog biznismena.

#### KAKO JE OPLJAČKANA NAŠA INDUSTRIJA (1): Panikeri, bezbjednjaci, generali u privatizacijskim fondovima

Prva osvojena bitka u ovom ratu protiv generala, moćnika, tajkuna i moćnici su znali jednostavan recept: privatizu, obeštaj investicije i radna mjesta, iznesi zdrav kapital, ne ulazi, proglasi stečaj ili likvidaciju, problem otpuštenih radnika prepusti državi. U konačnici, ostaje ti vrijedne imovine za titulu uspješnog biznismena.



DOSSIER

#### KAKO JE OPLJAČKANA NAŠA INDUSTRIJA (5): Hidrogradnja je poput države, perspektivna a pokradena

Prva osvojena bitka u ovom ratu protiv generala, moćnika, tajkuna i moćnici su znali jednostavan recept: privatizu, obeštaj investicije i radna mjesta, iznesi zdrav kapital, ne ulazi, proglasi stečaj ili likvidaciju, problem otpuštenih radnika prepusti državi. U konačnici, ostaje ti vrijedne imovine za titulu uspješnog biznismena.



CIK, NAPOKON, PRIZNAO NESTANAK PAPIRA

#### Kaliralo 35,8 tona glašačkih listića!

CIK može opravdati manjak od 4 tone, dok za 31 tonu pretpostavlja da je kalirala. Možda. Ako je od nula grama moglo nastati deset kilograma, a od deset kilograma 35,8 tona, onda je sasvim razumljivo i da mrtvi vaskrsnu svakog oktobra parne godine



POREZ NA DODATNU VJERNOST

#### Mirsad Kukić milionskim poslovima nastavio nagrađivati najbliže suradnike

Nije više SDA, nego PDA. Promijenila se stranka, ali izvlačenje miliona maraka iz većinski federalnog rudnika Banovići se nastavlja. Za ostanjanje uz njegov blok i oproštaj od Stranke demokratske akcije Mirsad Kukić nagradio je svoje najbliže suradnike



# ACCOUNT MEDIA POOL OTKRIVA I ISTRAŽUJE

## Afera "zubari", tajna prodaja oružja, sječa ambasadora...

ACCOUNT je dao novi vjetar u leđa nezavisnom istraživačkom novinarstvu. Media pool ne samo da je nastavio sa intenzivnim radom, nego je i osnažen novim članicama. Uz već etablirane novinarske timove portala Capital, Buka, Moja Hercegovina, E-trafika i Tačno.net, ACCOUNT Media poolu su se pridružili i portali: Frontal.ba, InfoRadar.ba, Direkt-portal.com i Gerila.info.

U fokusu novinarske pažnje je otkrivanje, istraživanje, dokumentovanje i izvještavanje o korupciji, nepotizmu, organizovanom kriminalu, pustošenju javnih budžeta... U toku aprila 2018. članice ACCOUNT Media pool-a objavile su osam istraživačkih priča o korupciji u javnim nabavkama, obrazovanju, zloupotrebama u diplomatsko-konzularnoj mreži BiH, tajnim dilovima oko prodaje oružja....

Portal eTrafika je pokrenuo priču o tome kako se [Zakon o osnovnom obrazovanju prilagođava pojedincima](#), kao i priču o [nepotizmu u pravosuđu RS](#). InfoRadar je do detalja obradio priču o tome kako su [stomatolozi iz Italije kupovali diplome na Univerzitetu u Banjaluci](#), kao i kratku priču o tome kako [članovi Predsjedništva smjenjuju ambasadore pred kraj mandata kako bi ih imenovali u drugim zemljama i tako im produžili diplomatsku karijeru](#), dok je portal Capital u dva nastavka dokumentovao priču o [prodaji oružja Namibiji](#) od strane MUP-a RS. Treba istaći i veliko istraživanje portala Buka o tome [kako se izvlačio novac iz HE na Vrbasu](#) u dva nastavka.



## **Održana edukacija za nevladine organizacije, članice ACCOUNT-a o primjeni jedinstvenih antikoruptivnih pravila u procesu monitoringa i izvještavanja**

Fondacija INFOHOUSE organizovala je u maju drugi ciklus programa edukacije za organizacije civilnog društva, članice ACCOUNT-a, o postupku procjene uticaja propisa u zakonodavnim procedurama u Bosni i Hercegovini.

Višemjesečna analiza Zakona o zaštiti prijavitelja korupcije u institucijama u BiH, uz procjenu koruptivnih i ostalih oblika rizika u njegovoj primjeni, rezultirala je izradom prijedloga amandmana, koji su usmjereni na uspostavljanje efikasnijih mehanizama pravne zaštite prijavitelja korupcije te otklanjanje do sada uočenih nedostataka u primjeni ovog Zakona.

Kako se primjena jedinstvenih pravila pokazala kao uspješan mehanizam u procesu monitoringa i izvještavanja o koruptivnim rizicima u izradi i primjeni različitih antikoruptivnih propisa, naš je cilj da članice ACCOUNT-a upoznamo sa ovim mehanizmom i njegovom primjenom u praksi. Podršku za realizaciju ove aktivnosti pružio je projekat USAID-a Jačanje .....

## **Treći ciklus ACCOUNT monitoring timova – početak rada**

Pet sektorskih oblasti, pet monitoring timova, pet novih lidera. Otvoren je novi, treći ciklus ACCOUNT grant podrške organizacijama civilnog društva za provođenje aktivnosti monitoringa i izvještavanja o korupciji. ACCOUNT monitoring timovi otkrivaju, istražuju i prikupljaju podatke o korupciji u pet oblasti: javne nabavke, zdravstvo, obrazovanje, zapošljavanje i zaštita prijavitelja korupcije. Ovogodišnje aktivnosti su usmjerene na monitoring i izvještavanje o efikasnosti realizacije antikoruptivnih mjera, koje su predviđene akcionim planovima za provođenje strategija za borbu protiv korupcije na entitetskim i kantonalnim nivoima.

“Svrha Account monitoringa, ako govorimo o javnim nabavkama, jeste doći do konkretnih pokazatelja o svjesnom kršenju zakonski propisi sa jedne strane, a sa druge ukazati na propuste samog Zakona o javnim nabavkama, što sveukupno utiče na veliki procenat koruptivnih radnji i netransparentnu potrošnju javnog novca”, ističe Damir Šabanić, iz Justice.

Cilj ACCOUNT grant programa “Monitoring i izvještavanje o korupciji u odabranim sektorima” je jačanje kapaciteta organizacija civilnog društva za provođenje monitoringa, prikupljanje i obradu podataka o korupciji.





**Centar ženskih prava** iz Zenice, lider Monitoring tima u oblasti obrazovanja, provešće aktivnosti monitoringa korupcije u visokoškolskom obrazovanju. U fokusu su tri velika javna univerziteta: Univerzitet u Zenici, Univerzitet u Banja Luci i Univerzitet u Sarajevu.

**Udruženje građana Justicia** iz Srebrenika, lider Monitoring tima “javne nabavke” u narednih šest mjeseci će provoditi aktivnosti monitoringa žalbi na postupke javnih nabavki, javnih nabavki zaključenih na temelju direktnog sporazuma, te monitoring efikasnosti provođenja revizorskih preporuka za unaprijeđenje sistema javnih nabavki.



**Udruženje građana Justicia** iz Srebrenika, lider Monitoring tima “javne nabavke” u narednih šest mjeseci će provoditi aktivnosti monitoringa žalbi na postupke javnih nabavki, javnih nabavki zaključenih na temelju direktnog sporazuma, te monitoring efikasnosti provođenja revizorskih preporuka za unaprijeđenje sistema javnih nabavki.




**Fondacija za razvoj i demokratiju** iz Sarajeva, lider Monitoring tima u sektoru zdravstva, istraživaće i pratiti proces nabavki zdravstvene opreme, materijala i lijekova. Monitoringom će biti obuhvaćeno 24 bolnice širom Bosne i Hercegovine i 39 zdravstvenih institucija – zavoda zdravstvenog osiguranja i ministarstava zdravlja.

**Centar za građansku suradnju** iz Livna, lider Monitoring tima u sektoru zapošljavanja, realizuje projekat “Monitoring zapošljavanja u kantonalnim i općinskim institucijama i poduzećima”, sa posebnim osvrtom na upotrebu diskrecionih ovlaštenja pri zapošljavanju u javnom sektoru. U fokusu će biti zapošljavanje u Hercegovačko-neretvanskom kantonu, Tuzlanskom kantonu i Kantonu 10.



# Interview



## *Muriz Memić, Dženanov otac: Sreo sam Dženanovog ubicu*

Već dvije godine Muriz Memić, u sudnici i na ulici vodi bitku za otkrivanje istine o smrti sina Dženana Memića. U utorak, 15. maja, zajedno sa Davorem Dragičevićem, još jednim ocem koji traži odgovorne za smrt svog sina, izaći će na proteste, ovaj put u Sarajevu. Za interview.ba Memić po prvi put priča o nestalim snimcima kao i zavjeri koja seže u sami vrh sistema, te zašto je pretučen novinar Latić.

Čime bi se danas Dženan bavio i o čemu pričaju njegova mama, sestra i otac kad su sami, kući... samo su neka od pitanja na koje je u ovom potresnom, dubokom intervjuu odgovorio Muriz Memić.



## *ISTINOM U GLAVU Dragan Bursać: Blajburško-ravnogorska koalicija*

Ako bi se bilo koja ozbiljnija bošnjačka grupacija pridružila

blajburško-ravnogorskoj koaliciji za dom spremnih četnika, bio bi to i definitivno kraj Bosne i Hercegovine kakvu poznajemo. Nakon što se iz Blajburga vratio Dragan Čović, u Mostar mu je na noge ruke i ostale dijelove odijela došao Milorad Dodik da bi upotpunio tzv. Plan B. A plan B je jedno od najopštijih mjesta u novijoj istoriji Balkana i predstavlja saradnju hrvatske i srpske desnice, kad foteljama zagusti.

## *Gay Amel iz Sarajeva: U ovom gradu se ne osjećam sigurno*

Pripadnici LGBT populacije se ne osjećaju sigurno u Bosni i

Hercegovini, a glavni problem predstavlja konzervativno društvo koje nije spremno prihvatiti različitosti. Gay Amel iz Sarajeva za Interview.ba kaže kada bi ocjenjivao sigurnost LGBT osoba u BiH na skali od jedan do deset da bi ocjena bila minus tri. Naveo je da borba protiv homofobije i transfobije znači borbu za jedno od osnovnih prava, a to je da LGBT osobe budu poštovane i tretirane kao i ostali ljudi.



## *Srećko Latal o Izvještaju EK: Jedino mi, građani, možemo odlučiti kako želimo živjeti*

O napretku ili pak stagnaciji BiH na putu ka Evropi, domaći političari danas nisu raspravljali, iako su trebali. Sjednica Parlamenta BiH je prekinuta jer se ministri nisu pojavili. Govori li to o posvećenosti domaćih lidera evropskom putu naše zemlje i samim tim dobrobiti bh. građana? Stručnjaci smatraju da govori. Regionalni urednik BIRN-a i politički analitičar Srećko Latal za Interview.ba govori o reformskoj agendi, izbornom zakonodavstvu i ekonomskim reformama.

Čitajte više na [www.interview.ba](http://www.interview.ba)